



## შრომის სამართლის ბიულეტენი



EUROPEAN  
TIME

დაგვისვით შეკითხვები  
european.time.geo@gmail.com  
ekakardava2014@gmail.com

FRIEDRICH  
EBERT  
STIFTUNG

შრომის  
სამართალი

### აგვისტო, 2024

ასოციაცია „ევროპის დროით“ ფრიდრიხ ებერტის ფონდის მხარდაჭერით გთავაზობთ ყოველთვიურ შრომის ბიულეტენს



ეკატერინე ქარდავა, სამართლის დოქტორი, ასოციაციის „ევროპის დროით“ თავმჯდომარე

#### კითხვა-პასუხი:

რა არის გამოძახებით მუშაობა და ჩაითვლება თუ არა ის ზეგანაკვეთურში?

გამოძახებით მუშაობა (On-call, stand-by) საქართველოს კანონმდებლობით არ არის რეგულირებული. ამ ინსტიტუტს იცნობს ევროკავშირის სამართალი. ევროკავშირისა და წევრი ქვეყნების სამართლებრივი რეგულირების თანახმად, გამოძახებით მუშაობა წარმოადგენს შრომითი ურთიერთობის ისეთ ფორმას ან/და სამუშაო დროის ისეთ სახეს, როდესაც დასაქმებულს წარმოეშობა ვალდებულება, ჩვეულებრივი/ნორმირებული სამუშაო დროის ამოწურვის შემდეგ:

- დარჩეს სამსახურში და დაელოდოს დამსაქმებლის მხრიდან შეკვეთის მიღებას (on-call) ან
- დატოვოს სამსახურის ადგილი, თუმცა იმყოფებოდეს ახლოს, რათა მიიღოს დამსაქმებლის მხრიდან შეკვეთა (stand-by).

გამოძახებით მუშაობისას (ზემოაღწერილ ორ შემთხვევაში) დასაქმებული ხელმისაწვდომი უნდა იყოს დამსაქმებლისთვის.

**გამომახებით მუშაობა ნორმირებულს ზემოთ მუშაობაა, თუმცა ის განსხვავდება ზეგანაკვეთური სამუშაოს ბუნებისგან.** ზეგანაკვეთური საქმიანობა:

- შრომითი ხელშეკრულების მოწესრიგების საგანია/არსებითი პირობაა და ძირითადი შრომითი ურთიერთობების ფარგლებში წარმოშობილი საჭიროებაა;
- უშუალოდ დაკავშირებულია ნორმირებული სამუშაო დროის გაზრდასთან/გადაგრძელებასთან (სამუშაო დროის წყვეტის გარეშე);
- შედის ძირითადი საქმიანობის სამუშაო დროის აღრიცხვიანობის სქემაში.
- ზეგანაკვეთური მუშაობა ნებისმიერი შრომითი ურთიერთობის თანმდევი ასპექტია;
- ზეგანაკვეთური სამუშაოს წინასწარი განჭვრეტა და დაგეგმვა შესაძლებელია (მაგალითად, ზამთრის სეზონზე ბაკურიანის სასტუმრო უფრო მეტი დატვირთვის იმუშავებს...)

გამომახებით მუშაობა წარმოადგენს დამატებით სამუშაოს ძირითადი სამუშაოს დასრულების შემდეგ (რომლიც არ არის სამუშაო დროის გადაგრძელება); ასევე, **გამომახებით მუშაობა ახასიათებს მხოლოდ გარკვეულ სამუშაოებს/ფუნქციებს/პროფესიებს.** მაგალითად, მეხანძრემ დაასრულა მისი საქმიანობა, დატოვა სამუშაო ადგილი. დამით გამოიძახეს სამსახურში ხანძრის ჩასაქრობად (წინასწარ განჭვრეტა იმისა, რომ ხანძარი გაჩნდებოდა და საჭირო გახდებოდა გამომახება, შეუძლებელია). როგორც წესი, იქ სადაც გამოიყენება გამომახებით მუშაობა (მაგალითად ექიმის პროფესიაში სასწრაფო ქირურგიული ოპერაციების ჩასატარებლად) დამსაქმებელსა და დასაქმებულს შორის ცალკე იდება ხელშეკრულება გამომახებით მუშაობის თაობაზე. **ევროკავშირის წევრი ქვეყნების შრომის სამართალში, ზეგანაკვეთური სამუშაო და გამომახებით მუშაობა ცალ-ცალკე რეგულირდება.**

ევროკავშირის მართლმსაჯულების სასამართლომ არა ერთი განმარტება გააკეთა და დადაწვეტილება მიიღო გამომახებით მუშაობასთან დაკავშირებით.

**რამდენადაც, საქართველოში გამომახებით მუშაობა კანონმდებლობით არ რეგულირდება, კერძოსამართლებრივ შრომით ურთიერთობებში დასაშვებია ორი პრაქტიკის განვითარება:**

- ჩაითვალოს იგი ზეგანაკვეთურ სამუშაოდ და ანაზღაურდეს იმ არსებითი პირობის შესაბამისად, რაც შრომითი ხელშეკრულებით შეათანხმეს მხარეებმა;
- მხარეთა შორის დაიდოს ცალკე ხელშეკრულება სამუშაო დროის, ანაზღაურების, დასვენებისა და გამომახების მიზნით დასაქმებულის მოცდის ადგილის სპეციფიკური რეგულირებით (იმ პრინციპის გათვალისწინებით, რომ ის რაც კანონით არ არის აკრძალული, დასაშვებია).

**წყარო:** ქარდავა ე., *on-call* და *stand-by* მუშაობისას სამუშაო დროის განმარტების თავისებურებანი ევროკავშირის მართლმსაჯულების სასამართლო პრაქტიკაში, ევროპული კავშირის მართლმსაჯულების სასამართლო პრაქტიკა და ქართული შრომის სამართალი, ფრიდრიხ ებერტის ფონდი, ასოციაცია „ევროპის დროით“, 2019, გვ. 109-153. <https://library.fes.de/pdf-files/bueros/georgien/16010.pdf>

მოგვწერეთ, გვკითხეთ  
european.time.geo@gmail.com  
ekakardava2014@gmail.com  
eka\_kardava@yahoo.com